



REPUBLIKA E KOSOVËS/REPUBLIKA KOSOVA

GJYKATA THEMELORE PRISHTINE - DEGA E GJYKATËS LIPJAN

Numri i lëndës: 2022:142736

Datë: 30.08.2024

Numri i dokumentit: 06106030

C.nr.630/2022

GJYKATA THEMELORE NË PRISHTINË DEGA LIPJAN, në përbërje prej gjyqtarit Zenelt Tasholli, gjyqtar individual, në çështjen juridiko-civile të paditësve R. B. nga fsh.D. K.L., M. B. nga fsh.D. K.L., Y. S. nga fsh.D. K.L., A. K. nga fsh.D. K.L. dhe V. H. nga fsh.G. e E. K. Lipjan të cilët me autorizim i përfaqëson Marigona Gashi av nga Lipjani, kundër të paditurës Komuna e Lipjanit-Drejtoria Komunale e Arsimit, për shkak të kompensim i shpenzimeve të udhëtimit, jashtë seance gjyqësore, me dt.30.08.2024 merr këtë:

A K T G J Y K I M

PA SHQYRTIM KRYESOR TË ÇËSHTJES

I. APROVOHET NË TËRËSI SI E BAZUAR kërkesëpadia e precizuar e paditësve R. B. nga fsh.D. K.L., M. B. nga fsh.D. K.L., Y. S. nga fsh.D. K.L., A. K. nga fsh.D. K.L. dhe V. H. nga fsh.G. e E. K. Lipjan dhe **DETYROHET** e paditura Komuna e Lipjanit-DKA, që paditëseve të më poshtë shënuara t'ua paguajë dhe atë:

1. Paditëses R. B. nga fsh.D. K.L. në emër të shujtave ditore për periudhën prej 20.09.2019 deri me dt.31.08.2022 për 584 ditë pune efektive shumën prej **1,168.00-€**, me kamatë prej 8% nga dita e paraqitjes së padisë dt.14.07.2022 e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përmbarrimit të detyrueshëm.

2. Paditësit M. B. nga fsh.D. K.L. në emër të shujtave ditore për periudhën prej 01.09.2019 deri me dt.18.11.2022 për 206 ditë pune efektive shumën prej **412.00-€**, me kamatë prej 8% nga dita e paraqitjes së padisë dt.14.07.2022 e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përmbarrimit të detyrueshëm.

3. Paditësit Y. S. nga fsh.D. K.L., në emër të shujtave ditore për periudhën prej 07.05.2021 deri me dt.18.11.2022 për 229 ditë pune efektive shumën prej **458.00-€**, me kamatë

prej 8% nga dita e paraqitjes së padisë dt.14.07.2022 e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përbarimit të detyrueshëm.

4. Padiësit A.. K..nga fsh.D..K.L.. në emër të shujtave ditore për periudhën prej 01.09.2020 deri me dt.18.11.2022 spër 440 ditë pune efektive shumë prej **880.00-€**, me kamatë prej 8% nga dita e paraqitjes së padisë dt.14.07.2022 e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përbarimit të detyrueshëm.

5. Padiësës V..H.. nga fsh.G..e E..K.L... në emër të shujtave ditore për periudhën prej 01.09.2019 deri me dt.18.11.2022 për 489 ditë pune efektive shumë prej **978.00-€**, si dhe në emër të shpenzimeve të udhëtimit për të njëjtën periudhë për relacionin G.... L..dhe L.. D... dhe anasjelltas për 70% të biletës ditore shumë prej **1,163.82€** me kamatë prej 8% nga dita e paraqitjes së padisë dt.14.07.2022 e deri në përmbushjen definitive të detyrimit të gjitha këto në afatin prej 7 ditësh nga dita e plotfuqishmërisë së aktgjykimit, nën kërcënimin e përbarimit të detyrueshëm

II. DETYROHET e paditura që padiëseve t'ia kompensoj shpenzimet e procedurës kontestimore në shumë të përgjithshme prej 644.00- €, në afat prej 7 ditësh nga plotfuqishmëria e këtij aktgjykimi, nën kërcënimin e përbarimit të detyrueshëm.

A r s y e t i m

Padiësit, përmes të autorizuares së tyre, në këtë gjykatë ka parashtruar padi ndaj të paditurës Komuna e Lipjanit – Drejtoria e Arsimit, sipas bazës juridike kompensim i shpenzimeve të udhëtimit, sipas padisë padiëset janë mësimdhënëse në SHFMU”D..D...” në fsh.D.. dhe te njëjtit i plotëson kushtet e përfitimit të shujtës ditore dhe shpenzimeve të udhëtimit, sipas kushteve të parapara më Kontratën Kolektive të Arsimit në Kosovë, për çka pretendojnë se ju takon kompensimi shpenzimeve të udhëtimit.

E autorizuara e padiësve përmes parashtresës së datës 02.02.2021 ka bërë precizimin e padisë duke kërkuar nga gjykata që të obligoj të paditurën që t'ia kompensoj padiësit për periudhën si në dispozitiv të këtij aktgjykimi, me kamatë prej 8%, si dhe shpenzimet e procedurës kontestimore që do të shkaktohen .

Gjykata pas shqyrtimit paraprak të padisë së padiësës e ka njoftuar të paditurën me aktvendim mbi dhënien e përgjigjes në padi. E paditura përmes përgjigjes së saj në padi të parashtruar me datë 23.11.2023, e ka kundërshtuar bazën juridike të kerkespadisë dhe se sipas nenit 90 pika 5 te Ligjit 03/L212 të Punës në të cilën thirren padiëset, ku thuhet se marrëveshja kolektive vlen

për ata punëdhënës dhe punëmarrës të cilët marrin përsipër detyrimet e përcaktuara me marrëveshje të tilla kolektive e që në rastin konkret e paditura Komuna e Lipjanit si punëdhënëse e paditëseve nuk është nënshkruese e kësaj marrëveshje-kontratës kolektive në të cilën është thirrur pala paditëse. Poashtu nëse merret parasysh Kontrata Kolektive në nenin 46 par.2 shprehimisht thotë se pagesa e tillë si për kompensimin e ushqimit bëhet brenda mundësive institucionale, ligjore dhe financiare, e që konsideron se nuk janë plotësuar këto kushte, sepse të paditues nuk i janë ndarë mjete financiare nga institucionet nënshkruese të Kontratës Kolektive. I ka propozuar gjykatës që konform dispozitave ligjore të LK-së nenit 399 par.1 dhe 2 padinë e paditëseve ta refuzon si të pabazuar-e pathemeltë.

Gjykata, pas pranimit të përgjigjes në padi, i ka vlerësuar kushtet ligjore nga neni 152 i Ligjit për Procedurën Kontestimore (LPK), me të cilin përcaktohet se: *“po që se i padituri me anë të përgjigjes në padi i ka pohuar faktet vendimtare, përkundrejt kontestimit të kërkesëpadiës, gjykata mundet pa caktuar seance gjyqësore, të jep aktgjykim”*, lidhur me nenet 143 dhe 147 të njëjtit ligj, nëse nuk ekzistojnë pengesa të tjera për dhënien e tij, dhe ka gjetur se në këtë çështje juridike kontestuese plotësohen kushtet ligjore për marrjen e aktgjykimit pa shqyrtim kryesor.

Gjykata gjen se në rastin në fjalë zbatohen dispozitat e Kontratës Kolektive e Arsimit në Kosovë (më tej KKAK) në Kosovë (KKAK) të miratuar dhe të nënshkruar nga Ministria e Arsimit, Shkencës dhe Teknologjisë së Kosovës, Sindikata e Bashkuar e Arsimit, Shkencës dhe Kulturës e Republikës së Kosovës, me datën 22.01.2021.

Me qëllim të vërtetimit të drejtë dhe të plotë të gjendjes faktike lidhur me çështjen konkrete juridike, gjykata i shqyrtoi këto prova dhe atë: kontratën e punës nr.04-112-813..... të dt.01.09.2021 për paditesen R...B., kontratën e punës nr.04-112-813/3093 të dt.01.09.2021 për paditesen V.. H., vërtetimin me nr. prot.2088/2 dt.27.09.2023 të lëshuar nga SHFMU”D.. D...” në fsh.D.. e M...per ditet e pranisë në punë për paditesen per periudhen nga dt.20.11.2019-31.08.2022 me gjithsej 584 ditë pune aktive, kontratën e punës nr.04-112-813.... të dt.07.05.2021 për paditesin Y..S..., vërtetimin me nr. prot.2085/2 dt.27.09.2023 të lëshuar nga SHFMU”D.. D...” në fsh.D..e M...per ditet e pranisë në punë për paditesin per periudhen nga dt.07.05.2021-18.11.2022 me gjithsej 229 ditë pune aktive, kontratën e punës nr.04-112-813/...te dt.21.09.2020 për paditesin A.. K., vërtetimin me nr. prot.2089/2 dt.27.09.2023 të lëshuar nga SHFMU”D..D...t” në fsh.D.. e M... per ditet e pranisë në punë për paditesin per periudhen nga dt.01.09.2020-18.11.2022 me gjithsej 440 ditë pune aktive, vërtetimin me nr. prot.2086/2 dt.27.09.2023 të lëshuar nga SHFMU”D.. D..” në fsh.D.. e M.. per ditet e pranisë në punë për paditesin M.. B.. per periudhen nga dt.01.09.2022-18.11.2022 me gjithsej 206 ditë,

vertetimin me nr. prot.2087/2 dt.27.09.2023 të lëshuar nga SHFMU”D.. D..” në fsh.D.. e M.. per ditet e pranisë në punë për paditesen V..H.. per periudhen nga dt.01.09.2019-18.11.2022 me gjithsej 489 ditë pune aktive pune aktive vertetimin e lëshuar nga Kompania transportuese ”N..C..” në L.. me të cilin vërtetohet se paditësja V.. H..udhëton në relacion G..L.. dhe ansjelltas me biletë kthyesë 2.00€ , vertetimin e lëshuar nga Kompania transportuese ”A.. në L.. me të cilin vërtetohet se paditësja V..H..udhëton në relacion L..-D.. e Madhe dhe ansjelltas me biletë kthyesë 2.00€ certifikaten e vendbanimit nr.ser. B...të lëshuar nga Zyra e Gjendjes civile në Lipjan për paditesen V.. H..

Pas vlerësimit të të gjitha provave veç dhe veç dhe në lidhmëri me njëra tjetrën, në kuptim të nenit 8 të LPK-së, gjykata vlerëson se kërkesëpadia e paditëseve është e bazuar dhe si të tillë e aprovoj në tërësi.

Në bazë të provave të sipërpërmendura dhe përgjigjes së dhënë në padi nga e paditura, gjykata vlerëson se nuk është kontestuese se paditësit janë në marrëdhënie pune tek e paditura në SHFMU”D.. D...” në fsh.D..., mirëpo kontestuese është kompensimin i mjeteve në emër të shpenzimeve të udhëtimit për periudhën përkatësisht ditët si në dispozitiv këtij aktgjykimi, andaj nga provat e administruara, si dhe konform dispozitave të Kontratës Kolektive të Arsimit në Kosovës të datës 18.04.2017 dhe ajo në vazhdimësi dt.22.01.2021 e lidhur në mes Ministrisë së Arsimit Shkencë dhe Teknologjisë së Republikës së Kosovës dhe SBASHK-ut, ku me dispoziten e nenit 2 të Kontratës Kolektive të Arsimit në Kosovë, parashihet se dispozitat e kesaj kontrate kolektive, janë të zbatueshme për të gjithë të punësuarit në të gjitha insitucionet publike dhe private të Arsimit parauniversitar (para shkollor, fillor, të mesëm të ulët dhe të mesëm të lartë, Shkolla Speciale e Qendra të Kompetencës) dhe Institucione të Arsimit të lartë në mbarë territorin e Republikës së Kosovës, të cilët janë anëtar të SBASHK-ut, dispozitat e kesaj Kontrate Kolektive janë të zbatueshme për të gjithë punëdhënësit ne sektorin e arsimit (komunal - DKA, KD te Universiteteve e institucioneve te arsimit te larte, MASHT-in etj) ne sektorin publik dhe institucionet edukativo – arsimore private ne mbarë territorin e Republikës së Kosovës, përkatësisht sipas neni 35 par.5 të KKAK-së, parashihet se *punëtorët anëtar të SBASHK-ut punonjesit arsimor kompensohen për shpenzimet e udhëtimit prej 70% te çmimit të biletës*, andaj kjo gjykatë vlerëson se paditëses Valbona Hajrizi i takon e drejta e kompensimit për shpenzime të udhëtimit, përkatësisht për periudhën si në dispozitiv të këtij aktgjykimi.

Me Ligjin e Punës Nr.03/L-212 Gazeta Zyrtare Nr. 90 / 01 Dhjetor 2010 në dispozitat e nenit 90 par.5 lidhur me Marrëveshjen Kolektive përcaktohet se “*Marrëveshja Kolektive vlen për ata punëdhënësit dhe punëmarrësit të cilët marrin përsipër detyrimet e përcaktuara me Marrëveshjen e tillë Kolektive*”, meqenëse në rastin konkret është vërtetuar dhe nuk është

kontestuese se paditëset janë në marrëdhënie pune tek e paditura lidhur me kërkesën për kompensimin në emër shpenzimeve të udhëtimit u vendos që të njëjtën t'a aprovojë për periudhën si në dispozitiv të këtij aktgjykimi.

Poashtu poqëse e paditura e konteston kërkesëpadinë, përgjigja në padi duhet t'i përmbajë edhe faktet mbi të cilat i padituri i mbështetë thëniet e tij dhe provat me të cilat provohen faktet e tilla", në çështjen konkrete juridike vlerëson se paditura nuk i ka bashkangjitur asnjë provë konkrete parashtrësës së përgjigjes në padi, me të cilat do ti vërtetonte pretendimet e saj.

Andaj , meqenëse në mes palëve ndërgjyqëse nuk ekziston kontest lidhur me faktet relevante, fakte të cilat u vërtetuan edhe nga gjykata me shqyrtimin e provave të cilat gjenden në shkresat e lëndës, gjykata me zbatimin e dispozitave të lartpërmendura vendosi aprovimin e tërësishëm të kërkesëpadisë së paditëseve.

Gjykata shqyrtoi edhe pretendimet e të autorizuarit të të paditurës lidhur me ate se komuna nuk është nënshkruese e kontratës kolektive se nuk kanë parapara mjete financiare për shlyerjen e këtyre detyrimeve, por gjykata pretendimet e tilla i konsideroi të pa bazuara ngase e paditura lidhur me kompensimin e shujtave ditore obligohet në bazë të detyrimeve të cilat dalin nga Kontrata Kolektive, nënshkruese e të cilës është Ministria e Arsimit, Shkencës dhe Teknologjisë, përkatësisht në nenin 2 par.1.1 të kësaj kontrate lidhur me zbatimin e këtyre dispozitave përcaktohet se "Dispozitat e kësaj Kontrate Kolektive, janë të zbatueshme për të gjithë të punësuarit në të gjitha institucionet publike dhe private të Arsimit Parauniversitar (parashkollor, fillor, të mesëm të ultë dhe të mesëm të lartë, shkolla special e qendra të kompetencës) dhe institucionet e arsimit të lartë në mbarë territorin e Republikës së Kosovës, të cilët janë anëtarë të SBASHK-ut", ndërsa dispozitat e par.1.2 përcaktohet se "Dispozitat e e kësaj Kontrate Kolektive janë të zbatueshme për të gjithë punëdhënësit në sektorin e Arsimit, (Komunat-DKA, KD të Universiteteve e institucioneve të arsimit të lartë, MASHT-in etj) në sektorin publik dhe institucionet edukativo-arsimore private në mbarë territorin e Republikës së Kosovës" prandaj është edhe irelevante për këtë proces gjyqësor se si e paditura i siguron mjetet për kompensimin e këtyre kategorive.

Gjykata për lartësinë e kamatës në shkallë prej 8%, gjykata vendosi në bazë të nenit 382 paragrafi 2 i LMD-së, dhe Mendimit Juridik për Kamatat i Gjykatës Supreme të Kosovës i datës 02.12.2020, duke filluar nga dita e paraqitjes së kërkesëpadisë në këtë gjykatë, e deri në përmbushjen definitive të detyrimeve.

Gjykata lidhur me shpenzimet e procedurës, iu referua nenit 449 dhe 452 të LPK-së, sipas të cilave paditëses ju pranohen shpenzimet procedurale dhe atë ashtu që e detyroi të paditurën

që paditëses t'ia kompensojë në emër të shpenzimeve të procedurës kontestimore shumën prej 156 euro në emër të parashtrimit të padisë, për parashtrësë për precizimin e kërkespadiisë shumën prej 156-€, si dhe shumën prej 20.00 euro në emër të taksës gjyqësore, në total shuma prej 332.00-€.

Duke u bazuar në të dhënat e lartcekura, gjykata ka vendosur si në dispozitiv të këtij aktgjykimi.

Gjykata Themelore në Prishtinë-Dega në Lipjan

Departamenti i Përgjithshëm/Divizioni Civil

C.nr.630/2022 me datën 30.08.2024

Gj y q t a r i

Zenel Tasholli

Udhëzim juridik: Kundër këtij aktgjykimi, palët kanë të drejtë të parashtrojnë ankesë në afat prej 7 ditësh pas marrjes së të njëjtit, Gjykatës së Apelit të Kosovës, ankesa dërgohet përmes kësaj gjykate.